

## **Plenchi**

### **Bèl a bati**

**Ring Ring Ringg. Hala yega paso nos ta kla pa subi plenchi pa nos por entretenbo.**

**Atrobe nos tin yen di informashon pa bo. Pa nos ta un plaser pa nos topa ku bo riba e plenchi kustumbrá pa nos por savoria di bon notisia.**

**Nos tin potret bunita pa bo mes mira kon nos hobennan ta briya.**

**Kuaresma ta kanado su rumbo, abo tambe? Bo ta konsiente di bo eskohonan?**

**Bo mes ta skohe of bo ta laga otro of sirkunstansia skohe pa bo? Loke bin riba bo kaminda bo ta asepta sin mas? Of bo ta tuma desishon di prinsipio kon bo ta kuida bo salu i biba sano? Bo tin disiplina riba bo mes aktonan? Bo ta un ehempel di disiplina pa bo yunan? Of bo ta biba un bida di kiko ku toka mi ta balia?**

**Kuaresma ta un tempu pa reflekshoná, pa pensa riba bo mes kustumber i komportashon. Bo por pidi un hoben yudabu detektá kiko ta e kosnan ku bo por kambia den bo kustumbenan. Of un persona yegá na bo por pone un spil pa bo.**

**Shonnan pasa un dushi weekend i pa otro siman hopi bendishon.**

### **Riba roster**

#### **‘Siman di Skol Katólíko’**

Meskos ku añanan anterior e aña aki tambe, Instituto Katekético

Diosesano(IKD)a organisá un siman den kua tur skol katólíko, ta para ketu na e realidat di nos fe i pa asina selebrá bida. E lema pa e selebrashon aki tabata: **‘FE PA UN FUTURO BRIANTE’**

- Djabièrnè 06 di mart nos a klousurá e siman ku nos skolnan FO ku un kaminata ku a sali for di misa na Steenrijk pa Katedral di Pietermaai, unda despues nos tabata tin un feria pa nos muchanan, vários skolnan katólíko a partisipá.
- Nos ta yama Dios danki na tur persona, instansia nan ku a koperá, direktiva di skol Katólíko i skolnan ku a asistí masalmente pa engrandesé nos selebrashon.



Kaminata di skolnan katólíko



**Kaminata di Skolnan Katólíko.**



### **Kaminata Skolnan Katólíko**

#### **Den agènda**

**Liber di skol**

**1 aprel pa 10 di aprel Pasku Grandi**

**27 aprel dia di Rey**

**28, 29 30 aprel dianan ekstra liber**

**1 mei dia di obrero**

#### **Not'é riba bòrchi**

**St. Albertus College su hobennan a haña informashon interesante riba profeshon na skol. E hobennan aki na un forma edukativo i atraktivo a sera konosí ku diferente profeshon. E potrètnan ta papia pa nan mes.**





**Hóbennan di st. Albertus College a bira trahadó di brantwer tambe durante e proyekto di profeshon.**





## **Un prenchi**

**Kor Margarita a kumpli 20 aña ta kantando pa Señor. Dia 14 di mart nan a tene un bunita konsierto pa selebrá e hecho aki. Un danki na yufrou Gomez i yufrou Richardson ku a hinka alma i kurpa den e kor aki pa asina tantu aña. Señor a bendishoná boso, mira boso yunan kon nan ta kanta asina bunita i ku pashon. Pero Señor lo sigui bendishoná boso kada dia di nobo.**

**Danki i pabien na tur e hobennan ku den transkurso di añanan a laga nan bos resoná pa alabá Señor. Diferente èks alumno di st. Margaretha tambe a bin laga nan bos resoná durante di e konsierto. Pabien na tur nos hóbennan ku ta dediká nan tempu na alabá i glorifiká Señor.**

**Diferente artista a bin kanta ku e kor dia 14 ultimo. Grupo Serenada a duna tremendo presentashon. Sr. Reinier Lijfrock, sr. Ernest Willems, Kristel Rosario, e hóbennan Gomez, Snijders i Richardson a duna tremendo presentashon. Ta un plaser pa mira fruta di yufrou Richardson i tambe yufrou Gomez duna asina bunita presentashon.**





**Kor Margaritha ku 2 yufrou di skol ku tambe a regalá nan un bunita kansion.**



**Kor Margarita, 20 aña.**

## **Mucha djispou**

**Un tata ta masha orguyoso ku su yu ta studia na hulanda. Pero e ta preokupá paso ta kada bes e yu ta manda pidi mas sen pa e por kubri su gastunan. Nan a kombersá riba e asunto asina aki:**

**Tata: “Jerome mi ta kontentu ku bo ta studia pero ta kon bin kada luna bo mester di mas sen pa paga kos di skol?”**

**Jerome: Papi anto keremi mi ta hasi mi best pa tene bo gastunan abou. Luna pasa mi a bai skol 4x so. Ma keda hasta sin pasa 2 tentamen. Si mi a bai skol henter luna i pasa tur tentamen, ta hopi mas bo mester a paga.”**